

28 19.
25
20

A. Ω.

DISPUTATIO INAUGURALIS MEDICA,

De

VARIOLIS,

Quam

Felici Divini Numinis Auspicio

Ex

Consensu Gratosissimi Medicorum Ordinis

In Almâ hac Leucoreâ

SUB PRÆSIDIO

DN. GEORGII FRANCI,

RECTORIS h. t. MAGNIFICI,

Aliquot S. R. J. DNN. ELECTORR. & PRINCIPP.

Consiliarii atqve Archiatri, &c.

DOMINI PATRONI ac PROMOTORIS

SUI GRATIOSI,

PRO LICENTIA

Summos in Arte Medicâ Honores ac Privilegia

DOCTORATUS

ritè capessendi

publico Eruditorum Examini subicit

JOHANNES FRIEDERICUS NICOLAI,

HALL. SAXO.

Ad Diem I. Martii, Ann. M. DC. XCII.

WITTENBERGÆ,

Literis VIDUÆ MATTHÆI HENCKELII, Acad. Typogr.

Disputatio inauguralis medica

VARIOLIS

Effectus Divini Nominis Auspicio

Confessio Graciosa Medico-rum Ordinis

to Alvin Lucero

200. PRÆSTIDIO

DR. GEORGE FRANKLIN

ALSTON & MAGNIFICENT

Complaisant and ye Architect, &c

DOMINI PATRONI. ROMOTOLIS.

PROFICIENTIA

Summus in Art. Medic. Honoris ac Privilegii

ЧУТАЯ ОТО

Handwritten text, likely bleed-through from the reverse side of the page, appearing as "Handwritten text" in reverse.

JOHANNES FRIEDERICUS NICOLA

0.2311



B. C. D.

§. I.

QUanquam inter alias corporis, quibus homo hominem, & cœtera cuncta animalia antecellit, dotes, non infimum sibi locum formosa facies elegerit, eaque vi ac potestate sit, ut veluti divini cujusdam decoris imago ad amorem sui ac admirationem facilem quemvis alliciat animum; Tamen ita lubrica & mutabilis est ejus elegantia, ut non minus varii morborum insultus, quam ipsa mors destruere illud eximium naturæ privilegium opinione citius, ac pessundare penitus valeant. Hujusmodi tetrum nobis spectaculum quotidiè Variolæ præsentant, adeò agentes interdum sæviter, ut ne foetibus quidem foecundo matris utero adhuc inclusis, ac vix dum natis, atq; à matre adhuc rubentibus parcant. Vide omnino *JOH. RHOD. Cent. 3. obs. 83. Excell. Val. ANDR. MÖLLENBROCC. in Eph. Germ. Cur. Dec. I. Ann. I. obs. 53. p. m. 150. qui simul allegat FOREST. l. V. obs. 44. TH. BARTHOLIN. Cent. IV. hist. 50.* Ejus communissimi mali naturam & Curationem, dum Inauguralis Specimen

minis locô enarrare in animum induxi, Divinum imploro Numen, ut huic meo instituto clementer annuat.

§. II.

De *Nominis* autem derivatione parum solliciti rem statim ipsam aggredi consultum ducimus, perinde esse existimantes, siue nostrû derivetur, malum à variando, quod faciei varient nitorem Variolæ, siue à varis, quibus Tubercula indigitantur. Nos Philologico relinquentes tribunali Etymum, facile in his acquiescimus, & dictam affectionem, quâ tenerrima plerumq; ætas vexatur per despumescentiam sangvineæ Massæ, cum tuberculis eminentioribus rubicundis, in pus tandem abeuntibus, & feбри, interdum benignâ, ut plurimum verò malignâ comitatam, commodè describi posse autumamus.

§. III.

Pro varietate enim *cause* sanguinis Oceanus magis vel minus fluctuat & commovetur, & inde etiam variare potest variolarum indoles; Quapropter, ut certâ quâdam innitamur methodo, in *duas* variolas dispescere *species* placet, quarum *una* Feбри benignâ, & mitioribus symptomatibus invadit, Vid. JOH. RHOD. Cent. 1. obs. 26. quamvis idem paullo ante obs. 24. referat Variolas sine febre. Altera verò, cum graviore sanguinis turbatione, atque sic densiore symptomatum stipata satellitio affligit. Vide JACOBI RU-

RULANDI de Belebad. Aglossostomograph. **Cap.**
1. p. m. 562. & ad h. l. notas CAR. RAYGERI. p. m.
563. Ratione *quantitatis* majores erumpunt, vel mi-
nores variolæ, plures vel pauciores, profundæ, vel super-
ficiem leniter attingentes, atqve discretæ vel confluen-
tes. Quæ verò *qualitatem mutant*, variam præ se
ferunt faciem, rubicundam aliæ, aliæ albam, lividam
& nigram aliæ, pessimi moris, & indicii hospites. Quod
ad *Tempus* attinet, vel congruæ sunt, quæ primæ su-
perveniunt infantia; vel incongruæ, quando consi-
stentioris ætatis homines occupant. Porro *Epidemiæ*
aliæ audiunt, in pluribus regionibus plures à causâ com-
muni simul invadentes. Conf. **FOREST. l. VI.**
obs. 41. & 49. **TULP. l. IV. obs. C. 51.** **TH. BAR-**
THOLIN. Cent. IV. Hist. anat. 50. **DIOMEDES AN-**
TICUS tr. pecul. Venet. 1596. in 4. **FRANCISCUS**
ALPHANIUS tr. pecul. Neapoli 1577. in 4. Quæ-
dam verò vocantur, *Epidemica*, quæ certis veris & au-
tumni periodis infestare solent, & tandem *anomalæ*
conditionis, propter incertas Symptomatum varieta-
tes, quæ nulli se typo patiuntur adstringi.

§. IV.

Tristis autem, & non unius generis prodromorum
cohors *imminentis mali* irruptionem annunciat; Pri-
mò quidem cum horrore æstuq; febrili invadunt, qui-
bus Appetitus dejectus, dolores dorsi, & lassitudo, dif-
ficultasq; respirandi, vox rauca, ardor Faucium, sitis,

narium & aurium pruritus, tæx ores per somnos, oculorum rubedo, & illacrymationes involuntariæ, urina pallida, vel turbata, aut flammea, punctionesque totius corporis, ac pandiculationes junguntur. Atque per duos trësve sæpè dies ægrum hæc divexare symptomata solent, donec communiter tertiô vel quartô pustulæ subrubræ, modò majores, modò minores cum pruritu in totô corpore, vel ejus plurimis partibus erumpant, & sensim deinde grandæscentes, ac in majus elevata fastigium, cutim, carnesq; vicinas rubore ac inflammatione afficiant, ichoremque purulentum tandem exhibeant; Sed minore interdum, sæpè autem majore cum molestiâ eruptionem illam Natura conatur.

§. V.

Unde *ingravescens malum* symptomatum variorum multitudine furoreque triste omninò adstantibus spectaculum præbet; Adest non rarò summa virium prostratio, urget præcordiorum anxietas, & respirationis difficultas adaugetur, majorque insuper Cordis palpitatio accedit; Noctes hinc ut plurimum insomnes sunt, hasque ut umbra Corpus, terrores, deliria, motus convulsiivi sequuntur, aut etiam univèrsum corpus humi prostratum Epilepsiæ contorquent insultus. Plurimum quoque interdum negotii faciunt ventris fluxus; Conf. MARC. CORNACHIN. *meth. p. m. 57.* RIVER. *Cent. 2. obs. 2.* frequentius tamen

men alvi ad dies aliquot obstructio & constipatio ad-
est; idque naturæ quasi legibus, & singulari quôdam
beneficio fit, ut lætior variolarum expectetur expulsio,
quæ, dum conspicitur, sensim sine sensu tumere, seseq;
attollere, & in pustulas abire incipiunt, atque in parvos
abscessus demum abeunt.

§. VI.

Ex quibus omnibus clarum evadit, & cuivis obvi-
um est, intelligere, variolarum subjectum Cutim cum
cuticulâ constituere, rete nimirum illud mirabile, uni-
versum tegens Corpus, atque ex variis filamentis &
glandulis, vasculis suis excretoriis instructis, contex-
tum. Ad illud enim dum ablegantur acres & fermenta-
tivæ sanguinis particule, tubulos ejus, elegantemq;
texturam erodunt, & cutim inter & cuticulam uberius
collectæ, in pustulas atque tubercula ejusmodi abeunt.
Non quidem negamus, per insensibilem transpira-
tionem multas ejusmodi nocivas particulas ejici, plu-
res tum intra canaliculosum cutis contextum hære-
& tragœdiam illam ludere certum est. Neque verò
internas corporis partes immunes eâ esse volumus,
cum Experientia Anatomicorum testetur, tantam sæ-
pè hujus mali fuisse immanitatem, & cadavera labo-
rantium variolis secta, viscera omnia habuerint vario-
lis maculata. Tale quid in Septembri Anni 1673. Hei-
delbergæ observavit Magnificus DN. PRÆSES, Pa-
tronus & Promotor meus sanctè semper colendus, in

Serenissimo Principe, Comite Palatinò CAROLO CASIMIRO in Landsberg, qvi qvindecim annos circiter natus variolis peribat; Cujus viscera exenterata, nempe intestina, hepar &c. variolis copiosè obsita cum immani foetore, corpus verò ipsum deinceps secundum artem condiebatur. *Conf. quoq; Joh. Schenck. l. IV. obs. med. f. 841.*

§. VII.

At *subjectum causa* sanguinis massam accusamus, purpureum illum vitalem humorem, qvi, quam diu benè temperatus est, & per arteriarum venarumqve canales rectè circulator, omnes corporis partes blando calore perfundit, & motum iisdem sensumq; largitur, ac totum corpus ad subeundas actiones aptum vegetumqve reddit, & servat. At prout magis vel minus in temperie suâ ac mixtione læditur, sic magis etiam vel minus in circulò suò vitali turbatur, & tum horrore, tum æstu, caloreq; febrili, ac aliis gravissimis symptomatibus corpus exagitat. Eundem igitur sanguinem in mixtione suâ turbatum, ut *causam proximam* & immediatam meritò agnoscimus. Turbari verò Massa sanguinea videtur potissimum ab acribus acidis & viscidis particulis, quæ propter figuram suam incongruam cum sanguine colluctantes, commotionem ejus præter naturalem & orgasmum excitant, eumqve graviolem vel leviolem, pro particularum peccantium copiâ & indole, donec secretæ à massâ humoralis per

per modum Criseos ad habitum corporis amandetur, eamque in exanthemata, pustulasq; ac Tubercula elevent. Quare, quod eleganter annotavit Celeberrimus THOM. SYDENHAM. *opusc. med. sect. 3. Cap. 2. p. m. 118.* Duo illius morbi tempora observantur, quorum primum separationis est, secundum expulsi-
onis. Atque hinc primum quidem illud tempus cum febrili ebullitione transigitur, quod tribus, uti dictum, vel quatuor primis diebus peragi solet, quorum quippe decursu id natura satagit, ut particularum ejusmodi heterogenearum & vitalium humorum mixtionem turbantes, seligat, congregetque, atque etiam ut illas in carnosas corporis partes per circulum sanguinis relegatas ibidem deponat, quò factò ad pristinum motum naturalem sensim sanguinis massa redit, sedatò jam tumultu, qui, dum hoc ageretur, ciebatur in sanguine. Separatione autem sic ope ebullitionis in sanguine peractà, expulsio locum obtinet, quæ per reliquum morbi tempus mediantibus illis parvis abscessibus in carne perficitur. Et quidem postremum hoc negotium priori illo separationis opere tanto plus sibi temporis vindicat, quod prius illud in focò; Posterius autem densò spissoque Theatro, atq; à vitæ fonte paulò remotiori, partes suas exlequi cogatur.

§. VIII.

Atque ab illâ turbatâ sanguinis mixtione & hinc excitatò orgasmò ac secretionem materiæ acris acidæq; &

viscidæ, omnia in Variolis occurrentia *phænomena* pendere videntur; A sanguine enim acidis ejusmodi & viscidis particulis inquinatō minimorum disfidium & lucta, initiō quidem minor naturali sanguinis exagitatione, unde horror producitur, mox autem commotio impetuosior insequentis æstūs & caloris febrilis causa, exoritur. Et quia istis peregrinis particulis exagitata sanguinis massa totum corpus & omnes ejus partes permeat, atque in iisdem præterea quasdam earum deponit, hæcque vitiosæ molculæ non solum oris, ventriculi, intestinorumque glandulas obstruunt, sed & nerveas quasvis atque carneas partium fibras irritant, vellitantque, hinc & appetitus dejectus, & sitis, & ventriculi inversiones, ac diarrhææ nonnunquam excitantur. Sic porrò turbata sanguinis mistura totius corporis lassitudinem infert, spiritus quippe, & activas illius partes, à quibus vires pendent, dissipans, vel præter modum irretiens, ac inviscans. Et quoniam dicta acris viscidaque materia toti nervoso membranosoque generi maxime infensa & exitiosa existit, hinc pro diversitate partium, quas obsidet, varia symptomata emergunt, & ex irritatione fibrillarum cerebri, spirituumque animalium vigiliæ nimix, deliria, motusque Epileptici, ex vellicatione cordis variæ ejus palpitationes; Ex eodem stimulo oculorum rubor, eorundemque dolor, & illachrymationes involuntariæ, quem admodum ab ingrata narium, pulmonum, faucium & laryngis affectione,

ne, sternutationes & pruritus narium, raucedines; tusses & ardores faucium producuntur, ac eandem ob causam in totò corporis habitu pruritus & dolores sentiuntur.

§. IX.

Quod ad *causas* attinet *internas* antecedentes, multum ad affectûs nostri productionem inter alia conferre potest Chylificatio læsa, muci quippe & viscidioris acrisvè materiæ genetrix, qṽi ad massam sanguineam per vias lacteas delatus, ibidemqve majore copiâ collectus motum ejus & mixturam vitalem turbat, & tum morbos alios, tum imprimis variolas parere potest. Sangvis quoq; scorbuticis imbutus particulis, & facili negotio turgescens ac sese commovens minimè excluditur, imprimis, si mineræ acido acri & viscidæ fiat accessus ad Massam sanguineam. His itaqve præsuppositis nemo facilè sic constitutus, opinor, erit, qṽi tristissimi hujus affectûs atrocitatem effugere queat. Hinc humidior plerumq; ætas experitur hoc malum sæpius, facillima enim est ad subeundas sanguinis turgescencias & commotiones, tardior etiam adhuc procedit sanguinis circulatio, qṽam in pervectioni ætate, & propter abundantiam materiæ viscidæ non levem dispositionem ad parturiendum affectum nostrum habet, si imprimis impuriore lacte in uterò, vel extra eundem nutriti infantes fuerint. Qvæ quippe ratio, qṽod hæc tenerrima adhuc ætas variolis præ aliis

obnoxia sit. Possunt autem collectæ ejusmodi cum succo nutritio vitiosæ particulæ, vel in ipsâ Massâ sanguineâ, sub lymphæ gelatinosæ tegmine, vel in quibusdam partium solidarum tubulis sepultæ, diu satis latere, donec natâ quâvis emergendi occasione è latibulis suis expulsæ, & in apricumeductæ, sanguineas particulas turbent, indeque exanthemata illa saniosa in partibus solidis propullulent. Quemadmodum experientia edocti videmus, non rarò venena per multos annos posse suam in nobis mentiri præsentiam, antequam ullam activitatis suæ manifestent scenam; Sic Historiarum monumenta nos edocent, rabiem caninam per annos remansisse plurimos absconditam, donec tandem virosi furoris sui atrocitatem, periculi sat plenam exercuerit, quin imò Asiaticæ gentes, ut & Galli ad certum temporis punctum præparandi venena artem callent, quæ progressu temporis resuscitata homines atrocissimè jugulant; Gallis vocatur hoc venenum la poudre de succession. In partibus enim solidis, seu tubulis earundem latet, & se habet instar commissorum agris seminum, quæ suo tandem tempore è latibulis progerminant.

§. X.

Ad propagationem hujus affectûs suum etiam conferunt symbolum *causæ remotæ*, sive sic dictæ *procatartice*, ad sanguinis perversam particularum commotionem haudquaquam ineptæ. Quod enim ad

aeris

aeris intemperiem, noxiis particulis refertam attinet; illa plerumq; insensibilem transpirationem præpedit, poros partium constipat, & materiam in partibus solidis decumbentem evocat, quæ evocata, mixtaq; cum sanguine, mixturam ejus motumq; pervertit, & turbat. Patet id clarius ex annuâ tempestatum anomaliâ, veris scil. & Autumnî non unius generis exhalationibus: Extra omne enim est positum dubium, vicissitudinibus hisce temporum peculiare quoddam miasma posse produci, quod machinæ nostræ hydraulico - pneumaticæ communicatum certas morborum species, quid nî variolas? inducat, & commotione suâ sepultum variolarum seminium excitet. Sic magni talenti Medicus *WILLISIUS*, *libr. de Febr.* Per illas, inquit, Coeli seu aeris constitutiones, sanguis alterationem magnam suscipit, & vere quidem calidam & biliosam temperiem nanciscitur, autumno verò diathesin modò acrem & biliosam, modò stypticam & austeram acquirit. Sic *Divinus SENEX sectio 3. aph. 1.* Mutationes temporum potissimum pariunt morbos, & in ipsis temporibus magnæ mutationes, aut frigoris aut caloris. Hinc mirum non est amplius, quod Veris plerumq; & Autumni temporibus in tenerrima sæviant corpora variolæ, quoniam tunc temporis aer variis inquinatus est heterogeneis particulis, & insignem patitur alterationem, sanguinis Massam rarefacit calore suò, & commovet, humores quoq; præcedente bru-

malit tempore quiescentes, quasi fundit, magisque exagitat, donec expedita circulatio eosdem ad exteriora protrudat; Ineunte enim veris tempore in totâ corporis nostri machinâ sanguis reliquique succi novum concipere motum dicuntur; Ad hanc aeris mutationem non parum certè conferunt exhalationes terreæ, sic suum recludens gremium terra varias exhalat particulas heterogeneous, quas nemo effugere potest; Aerem enim trahimus spiritumque ducimus, aerque nos ambit simili ferè modò, ut aqua pisciculos. Sanguis itaque veris commotus tempore proprio quasi nisu se defæcare nititur, hincque ad ipsam cutim pravos protrudit humores, & quasi præcipitat, ibique se manifestant variæ efflorescentiæ teste *CELSO*, judiciò verè Celsò: Pustulas & efflorescentias vernis maximè temporibus oriri. Non paucos etiam morbos *HIPPOCRATES*, qui Vere ut plurimum grassentur, *Aphor. 20. sect. 3.* enumerat: Vere enim furores, Melancholiæ, Epilepsiæ, fluxiones sanguinis, anginæ, gravedines, raudines, tussis, Lepræ, impetigines, vitiliginis, & *pustula ulceroſa plurima*, tubercula, articularum dolores. Hinc, qui quâdam gaudent dispositione, ad efflorescentias tales cutaneas, malisque humoribus pleni sunt, vernò tempore, tum in morbos alios, tum in variolas solent incidere. Sic multum etiam conferunt ad producendas eas cibus, potusque qui Cacochyliam, hincque Cacochymiam viscidam & acidam acrem producere apti nati

nati sunt. Tales sunt cibi frigidi, humidi nimis, visci-
di, duri, fumo indurati, fructuumq; horariorum nimius
usus. Turbant enim hæc omnia Chylificationis ne-
gotium, cruditatum excitant colluviem in canali ali-
mentorum, obstructions pariunt, & sic particularum
heterogenearum commistio cum Mafsâ sangvineâ in-
testinam facilè pugnam aggreditur, & ideo pravum
fomittem resuscitare facilè potest. Huc referendus et-
iam nimius motus, qvatenus nimirum sangvinem,
spiritusq; & omnes cæteros humores nimium commo-
vet, ex qvô fonte stagnationes, Inflammationes, febres-
que promanant. Qvies tandem nimia sua etiam in-
commoda ostendit; humorum enim motum retar-
dat, ac excrementa accumulat in Corpore, unde ca-
checticus procreari habitus solet; Cum eâ verò so-
mnus immoderatus pari ferè passu ambulat. E con-
trariò, qvoniam vigiliæ nimix spiritus animales, hu-
midumq; vitale dissipant, & collectioni viscosorum
humorum velificantur, non parum etiam ad variola-
rum generationem tribuere possunt. Tacemus Pa-
themata animi, & excernendorum retentiones, qvibus
qvippe causis occasionem præberi non minimam ad
producendum eundem affectum, in proclivi cuivis est
judicare.

§. XI.

Circa Prognosin cautum & prudentem se gerere de-
bet Medicus, cum enim *HIPPOCRATES* Pa-
rens

rens Medicinæ judicium suum ipse suspenderit, nihilque certi de acutis prænunciare ausus fuerit; Morborum, inqviens, acutorum, non omninò certæ sunt prædictiones neq; salutis, neq; mortis, 2. *aphor. 19.* Quid quæso moderno Medico in re tam arduâ judicandum incumbet? Sagaci itaq; ratione, aureâq; confusus experientiâ, quam incanus hæctenus rerum usus infallibiliter approbavit, animi sui sententiam, ut honos constet arti suæ, de benignis aliter, aliter de malignis exponere debet. Optimi scil. moris sunt Variolæ, si cum symptomatum facilitate altero statim vel tertio die citò prodeant, & ad maturitatem brevi perducantur, cum feбри miti, non malignâ, si albicantes, & purulentia copiam contineant; Si rotundæ & eminentiores, sanguinis enim massam obtinuisse, & heterogeneorum frengisse furorem, ex mitiori earum expulsionem, symptomatumq; benignitate judicare haut est difficile. Bonæ etiam notæ signum habetur, si adhuc ante Eruptionem copiosum sanguinis per nares stillicidium contingat, Vide *FOREST. l. VI. obs. 48. f. m. 199.* id quod tamen *RIVERIUS* inter lethalia phænomena, sed malè, vult referre. Evacuata enim sanguinis per nares copia, acris acidæ materiæ quædam portio extradubium etiam imminuitur, & turgescenti adhuc sanguini majus conceditur spatium, ne adeò fortiter commoveri, nec distendere amplius possit vasa. Ejusmodi hæmorrhagias narium spontaneas in multis pueris

ris & adolescentulis Argentorati, ac in Palatinatu aliisq; locis observavit Magnificus DN. PRÆSES, ubi vinum ordinariè bibitur, quæ cum agrorum *ἐν Φοπλᾷ* præcesserunt. Quin imò in robustis, in succi plenis, ac plethoricis in principiò statim administrata Venæ sectio vices illas egregiè præbet, ceu exempla multa idem Magnificus DN. PRÆSES adnotavit; & ante annum Serenissimus quidam Princeps feliciter eandem sustinuit, ceu Ejusdem Dn. Parens Serenissimus *ὡὺν ἐν ἀγίοις* itidem jam adultus alterâ vice in Variolas incidens. Ita ante triennium Francofurti ad Mœnum in filiolâ trium annorum Oeconomi domus Teutonici Eqvest: ord. statim celebrata in principiò Venæ sectio eandem salvavit, quæ necessariò periisset, uti alii infantes eò tempore, sicut animadvertit Magnificus DN. PRÆSES. Imo venæ sectio omissa causa mortis fuit in adultâ Variolis laborante. *Vid. Grembs. Arb. ruinos. p. m. 429.* Sic alvi etiam adstrictio bonum annunciat præsagium: Variolarum namq; eruptionem sufficientem, & spirituum adhuc vigorem indicat, siquidem Variolarum expulsio per sanguinis fortiores absolvitur commotionem ad peripheriam nostri Corporis; Massa itaque sanguinea cum particulis excernendis magnum aggreditur certamen, quæ, si reportet victoriam, hostilem illam materiam ad externas corporis par-

tes eliminat, clausis quandoq; ceteris Corporis emunctoriis. Hinc non solum in his, sed & in aliis morbis malignis ab omnibus purgantibus sibi cavendum jubet Magnif. DN. PRÆSES, adeo, ut etiam Enemata, & subpositoria habeat suspecta ne mali materiam ac fomitem à peripheriâ cum periculô iterum retrahamus ad Centrum aut interiora, cum ægri internecone; Imò interdum post variolas reliquæ quædam impuræ per dictam metastasin ad aliquam deponuntur partem, ibiq; Apostema excitant, ceu Domesticum novit exemplum Magnus DN. PRÆSES. Confer. *Sal-muth. Cent. I. obs. 25.*

§. XII.

Sed longè aliter sese res habet, dum *mortis* imago, & fatalis periodi terminus apparet, gravioraq; Variolas comitantur Symptomata. Variolæ ergò tardè erumpentes, lenteq; maturantes, lividæ violaceæ, nigricantes & parvæ, vel post Eruptionem rursus delitescentes & evanescentes, vix Medici, sed pollinctoris sæpius operam requirunt; Virium enim robur fractum, & materiæ contumaciam, ut & peccantium retrocessum humorum ad massam sanguineam non immeritò accusant. Vox rauca, respiratio difficilis, anxietas præcordiorum non omninò vacat periculo; docente Divino

HIP-

HIPPOCRATE 4. Aphor. 50. Ubi in febre non intermittente difficultas respirandi, & delirium acciderit, lethale. Et porro, qui variolis aut morbillis pereunt, illi aut Anginâ, quod raucedo (videatur puella loquela amittens ap. *GVIL. FABRIC. Cent. VI. obs. 14.* & *GOTO FR. SCHUBERT. Ephem. Germ. Cur. Dec. I. Ann. 2. obs. 201.*) & dolores faucium manifestant, aut peripneumoniâ, ex anxietate, & difficultate respirandi, suffocantur, aut Syncope, ob defectiorem spirituum notabilem, aut Convulsionibus, ob acrimoniam & obstructionem nervosi generis, (quamvis Magnificus DN. PRÆSES in virgine quatuordecim annorum ante hos septendecim annos instantibus primis mensibus & variolis observaverit, Convulsiones atroces, quibus cessantibus promanarunt menses, & prorupere variolæ; Illa verò adhuc vivit, & valet, hætenus maritata, & aliquot liberorum mater non infelix, aut alvi tandem profluvio cruento moriuntur. Sic Ferdinandus IV. Rex Romanor. gloriosissimæ memoriæ, obiit die XXIX. Junii 1654. magnò cum Cæsaris patris ac Imperii dolore. Imò interdum etiam in mali declinatione ceu tragicum Exemplum habuimus ante annum in Serenissimo Principe Juventutis, Duce Saxon. JOH. VVILHELM Jenæ;

Et apud *Zacut. Lusitan. l. 4. Med. Principp. Hist. 53. Conf.* omninò de retrocessione humorum in Variolis *Marcell. Donat. de Variolis & morbill. c. 22. p. m. 143. seq. Angel. Victor. Consult. XLVII.*

§. XIII.

Ex signorum itaq; revelatione facile est videre, non unò variolas eòdemq; modò agere ; alium enim plus afficere quàm alium. Hoc quoq; notabile est, ex millibus vix unum dari, qui ab hòc malò vitam degat & absolvat immunem. Dari tamen Exempla rarissima observavit Magnificus DN. PRÆSES S. E contrariò non semel solum, sed bis, *Conf. FOREST. l. VI. obs. 43. ter*, ceu in magnò Principe vidit Magnif. DN. PRÆSES aliisq;, imò quater, quod rarum, ita, ut subputentur quoque variolæ vulgò dictæ albæ pallentes, & aquaticæ, *Wasser-Blattern oder Bocten.* Hoc notatu dignum est, novit Idem honestam Matronam, nunc annorum 44. quæ à teneris quinqvies hòc malò laboravit, sine ullò formæ faciei vè detrimento. Hinc Medicinam faciens curationis innititur fundamentò, distingvitq; meritò accuratum temporum intervallum, quorum *Ebullitionis* sive secretionis primum est, *Excretionis alterum, seu expulsionis ; Curationis* autem cardo quatuor

tuor absolvitur indicationibus : ut (1) acris acida & viscida materia corrigatur, & blandâ diaphoresi expellatur. (2) Symptomatum furor mitigetur, & (3) Variolarum expulsio facilitetur, & adjuvetur. Tandem (4) partium tam in-qvam exte-
narum contra exulcerationem defensio observe-
tur. Tempore igitur secretionis seu ebullitionis, dum præcursores imminentes variolas & febris præsentiam edicunt, & graviora præcipuè urgent symptomata, Medicamenta blandiora suum per-
agunt officium, inter quæ potissimum sunt dia-
phoretica fixa, & acidum acre absorbentia; respec-
tus enim jam habendus ad Febrim, hinc sedulò removenda volatilia, sangvinem jam tum turba-
tum magis magisque turbantia & exagitantia ideò nil nisi diræ mortis esset expectanda imago. Sic ani-
cularum quoque more quidam ab initiò statim, ægros intempestivò detinent calore, in lectò, vel calefactò satis hypocaustò; Verum, ut verum fa-
teamur, sanguinis maximè fervorem adaugent, versantur, omninò multi hujus mali effectus ab oculis, deplorandi merito in miseris puerulis, mortis non rarò faucibus traditis. Pari etiam ratione rigorosè adeò procedunt quidam, ut omne po-
tius desiderium ægris ferè interdican, deq; lymphæ restauratione sint minimè solliciti, cum tamen

experientiæ fide sic exploratum, nullam hic potum
afferre noxam, moderatum puto, modò insatia-
bilis sitis appetitus ventriculum non inundet, aut
unâ vice ingurgitetur multum: modernorum e-
nim viget sententia, sæpius bibere in morbis acu-
tis, & parum bibere vix nocebit. Nulla itaque hic
Venæ sectio præstat, nisi plethoræ vel inflamma-
tionis internæ indicia exigant, nulla hîc etiam lo-
cum obtinet evacuatio, nedum Enematum appli-
catio, nisi in perfectâ morbi declinatione. Peri-
culi aliàs sequeretur res plena & facilis vitæ cum
morte permutatio: Ut autem primæ nostræ indi-
cationi faciamus satis, commendamus secretionis
tempore blanda & temperatiora diaphoretica, aci-
dum acre simul infringentia, eaque ut plurimum
fixa; Cum itaque morbi adhuc dubia audiat dia-
gnosis, confugiendum ad generaliora, quæ, cum
temperata sint, nisi prosint, suspicionem etiam
ullius noxæ nullò præ se ferunt modò: Hæc verò
sunt Tinctur. Bez. Mich. spirit. Bezoard. Buslii, &
Mistura simplex non camphorata, moderata dosi
observata, ut vero acidū acre modo destruamus le-
gitimò, & turbatam sangvinis Massam in pristi-
num componamus statum; Ex Bezoardicorum
fixorum numero eligimus Lap. 69. ▽ sigill. Ebor.
& C.C. s. Δe, ut & gelatinam Unicorn. ver & fossil.
Lap. Bezoar. orient. & occident. pulv. Bez. Sen-
nert.

nerit. Pulv. Bezoard. Magnif. Dni. Præsidis, ejus
magnus Usus non solum Heidelbergæ, & in vici-
niâ, sed & locis remotioribus hodiernum. Pulv.
Pannonic. rubeus, Marchion. Cephalic. Michael.
Spec. de gemm. frigid. Conf. Hiacynth. Bez. mi-
neral. quæ utramq; absolvunt paginam, secretio-
nem non minus, quàm excretionem promo-
vendo. Possunt autem in formâ pulverum dari,
vel mista cum vis simplic. appropriat. flor.
Sambuc. Galeg. Scorzoner Cichor. Card. Bened.
Cent. min. flor. Tiliæ, Meliss. Cord. Herc. Saxon.
frigid. &c. &c. in formâ potionum & mixturarum.
His itaque blandis continuandum per tres vel qua-
tuor dies; nisi symptomatum fortassis furor alia
nos edoceat.

§. XV.

Symptomata itaque ferè omnia acidum acre
viscosum præsupponere, conjectu est facile, ut ve-
rò mitigentur, opus est Consiliò; Nimius æstus,
sitisque appetentia si urgeant; fallenda sunt illa
blandioribus acidis, Decoctis, gelatinosis, vel alius
generis Medicamentis, e. g. spir. Θ is dulc. \odot dulc.
Tinctura flor. Bellid. Rosar. Clystus Θ ii Φ ratus in
minimâ quantitate, cerevisiæ indita. Sitim et-
iam & caloris extingvit æstû gelatina C. C. recens
C. C. ustum, & præparatum, potui immixta. De-
co-

coctum item Hordei, cum radic. scorzoner. & li-
qvirit: vcinam: Borriginat: sirup. Violar: &c.
& Otabulat: sitim mirè compescit. Non rarò
ingens capitis dolor cum vigiliis nimis vexat, pa-
vores etiam in somnò, insomnia, deliria, ut &
convulsiones & insultus Epileptici eruptionem va-
riolarum antecedere solent. Hæc, cum in cura-
tione omninò conveniant, conjungemus, & ex
antispasmodicorum & antepilepticorum fonte
hauriemus remedia; In his autem, cum propter
febris præsentiam cautè & blandè procedendum
sit, blanda diaphoretica & resolventia, impri-
mis vero omnia Cinnabarina magnificimus; Zin-
nab. ꝑii & nativ. ꝑ diaphoret. Bezoar. mineral.
Pulv. Pannon. rub. Bez. Senn. Marchion. & Ce-
phal. Michaelis, adjectis quandoque opiat, e. g.
Laudan. opiat. pulveribꝯ anodynis, Theriacâ Cœle-
sti, quæ omne ferè absolvunt punctum in sympto-
matibus mitigandis, in vigiliis & deliriis præcaven-
dis, in doloribus Capitis, ubi nervosum genus ite-
rum tranqvillant; & impetuosum spirituum & hu-
morum motum sistunt; Ad deliria magni usûs est
Camphora moderatâ dosi exhibita, si cum O vel
lapid. prunellæ præsertim maritetur. Sic Emul-
siones in vigiliis nimis ut & doloribus capitis quam
maximè conducunt, e. g. ex sem. Aquileg. Pœon:

Napi

Napi Card. Benedict. Papav. alb. &c. cum aqvis appropriatis : Aqvileg. Scorzoner. Meliss. Sambuc. Cord. Herc. Saxon. frigid. quibus addi possent adhuc Bezoard. mineral. & ium diaphoret. mandibul. Luc. pisc. & sacch. perlat. q. s. Ex quibus componi facile potest Emulsio, quæ in nimis vigiliis certum somni auxilium promittit.

§. XVI.

Respirationis etiam negotium intercipitur, præcordiorum anxietas, & palpitationes cordis multum facessunt negotii Medico, quoniam non immerito membranacea pulmonum expansio & vesicularum congeries læditur, ac discinditur. Hæc æq; ac alia symptomata, blanda desiderant diaphoretica, & resolventia cum bechicis sociata, sic & diaph. Bezoart. mineral. Antihectic. Poterii, Cinnab. nat. & & ii, inprimis autem sperma Ceti suum præstat; Sirupi etiam bechici, e. g. de Erysim. Lobelii, Diacod. mont. sirup. jujub. Violac. Looch sanum &c. quæ potionibus immisceri possunt, & Tussilag. Hyssop. Scabios. Meliss. &c. Totum interdum corpus convellitur Vomitionibus, qui, si benignè satis sese habeant, illico non sunt sistendi, ut potius materia ventriculo inimica per superiora eliminetur; Quodsi verò furiosè nimis urgeant, compescendi Theriacalibus & ano-

dynis, & terreis diaphoreticis, sic ∇ a sigillatâ, Corall. rubr. præpar. C. C. uſtum. Theriaca Cœleſtis hoc in caſu præfertur, nec contemnenda eſt Miſtura ex Eſſ. Theriacal. Caſtor. & anodynæ momentô. Nec alviſfluxus, qvi nonnunquam ſupervenit, periculo caret; tollendus itaq; non ſine vitæ discrimine, & remediis ∇ eis potui largiter immiſſis ſiſtendus. Vocis etiam tenor inſvetâ qvâdam raucitate corripitur, tuſſis inclementia fatigat, & concutit corpus, anginæ qvoq; præſentia ſuffocationis præſupponit metum, niſi præcaveatur in principiô, hinc Reſolventia in uſum trahenda, ut & diaphoretica. Raucitas temperantibus obtemperat; Syrup Violar. de Eryſm. Lobel. &c. Fauces poſſunt præſervari gargarismatibus, quæ parantur ex fol. ſalv. plantagin. ſcabioſ. Sambuc. Prunell. Verben. flor. Balauſtior. Bugloſſ. &c. Ex his itaq; proſtant aquæ deſtillatæ, quæ additione Sirup. de jujub. Liqvirit. Pap. alb. vel violar: & lap. prunell. portione gargarisma huic affectui accommodatum producere poſſunt. Angina & Tuſſis blandis diaphoreticis, & expectorantibus; ſirup. Heder. terreſtr. ſcabioſ. Looch. ſan. & Spir: ſal: armon. aniſatô, præſertim, quando Variolæ Eruptionem moliuntur.

§. XVII.

Tempore itaq; Excretionis, ſi ullum erumpentium

tium variolarum signum, quod in dorsô & ventre plerumque conspicitur, appareat, fortiora, hoc est, temperata volatilia administranda, inter quæ eminet Spirit. Bezoard. Busii, bis vel ter de die propinatus, Θ volat. C. C. Θ volat. succin. Spirit. Salis ammoniaci anisat, Spirit: theriacal. Camphor, Elix. Proprietat. cum Essent. Fumar: & Spiritu Cochlear: Essent. Castor. cum Essent. Myrrh. vel Croc. &c. Essent. Enul. ejusdemque decoctum multum præstat. Sic Diascord. Fracastorii cum acetô Theriacali optimè se gerit. Camphora etiam cum Bez. miner: vel δ iô diaph. & Cinnabari nativâ sociata egregiè expellit. Asa fœtida suum etiam hic habet usum, hinc insigniter laudatur ab *ETTMULLERO*, tria, inquit, egregiè conducunt in Variolis, Myrrha, Castoreum, & Asa fœtida; Idem commendat Decoctum Ficuum cum miliô, vel fœniculô, ut insigne expulsiuum in erumpentibus jam variolis; de quô *FORESTUS* verba facit, se scil. nullum perdisse ægrum, qui tantum Decoctum ficuum adhibuisset in potu ordinariô. Lætâ itaq; Variolarum Eruptione factâ cavendum sedulô, ne evanescant iterum, aut retrocedant inordinariô fortassis victûs genere, vel corporis frigido aeri expositione; In hœc verò Casu ad Cardiaca sic dicta confu-

giendum ; quæ legitimam sanguinis circulationem restituunt , & sunt omnia Resolventia & expellentia, inter quæ eminet Elixir. Proprietat. sine acidô cum essent: Myrrh. cum Spir. falis ammoniaci vinosô paratâ, maritatum, Spir. falis ammoniaci succinat. Spiritus Bezoart. Buff. Tinctura salutis Langii, Spir. theriacal. Camphorat: Potiones Cardiacæ ex ðlibus pulveribus, & alexipharmacis , Discord. Fracastor. & similibus. Sin verò minus his Medicamentis obsequium præstare velit variolarum retrocessus , Vesicatoriorum ex Cantharidibus in dorsô , auxilium est implorandum , quæ nunquam non præsentaneam ferunt opem. Ad faciei verò præservationem, ut à variolarum copia immunis remaneat, applicandi locum plerumque in dorsô & scapulis eligere sibi quidam , nec sine ratione, statuunt. Procedit etiam interdum non adeò felici successu suppuratio tardioris, quàm decet, eventûs ; Respiciendum itaque ad internas æque ac externas corporis partes, ne subitò periculum incurrant, & corrosionem patiantur. Huic scopo conducunt acidum acre imbibentia & temperantia, ut Lap. 69. Corall. præpar. C. C. f. Δe, Myrrha cum ðiô diaphoret. & sale absinth. vel Card. Bened. intermixta. Nulli itaque Corporis parti, tenerrimæ quantumvis & nobilissimæ, parcunt Variolæ, sed omnes obsident, ut oculorum
etiam

etiam lumina ab his non versentur libera, eorundem aciem hebetent, quin imò amavrosin nunquam inducere facile soleant; In hoc verò discrimine res est omni studio eo dirigenda, ut oculorum vicinia præservetur, & muniatur, ne influere ad eos materia vitiosa queat. Regio itaque eorum Croco cum lacte muliebri illinitur, vel Crocus infunditur Aquæ Rosar. plantagin. Fœnic. vel ▽ ophalm. D. Sennert. cum mucilag. sem. cydon. vel sem. sumach. Mulierculis etiam est familiaris halitus à baccis lauri dentibus contritis, & oculis sæpius inspiratus, id etiam de Alliô dicitur. In inflammatione autem addi potest Camphoræ vel sacch. bñi momentum. Et si fortè contingat, ut de nocte claudantur oculorum palpebræ ab ichore, referendæ convenientibus, ne inferat sanies noxam; lacte scil. tepidô, vel decoctô Malvæ cum fœnicul. emolliendæ; Narium pruritus tollitur ol. amygd. dulc. Lil. alb. oleo Jasmini cum pauxillô Camphoræ.

§. XVIII.

Præterea faciei nitor, quoad fieri poterit, defendendus; Præcavendum enim, ne longè latèq; serpat hostilis ille humor, & dein inter se coëant variolæ, & acrimoniâ suâ corrodat profundius, effectusque, deformes scil. post se foveas relinquant.

Præter verò suspecta pingvia, acidum infringentia,
exsiccantia, & mitigantia primas hic tenent. Huic
satis facit scopo ol: amygdal. dulc. cum Ol. Jasmin.
& Fri per del. qvô oleo illinantur flavescentes
variolæ. Sic sacch. Bni cum vâ Rosar. mistum ca-
lidè faciei applicare jubet *ETTMULLERUS*. Cerevisiâ recente secundariâ, & lupulatâ
cum Æ Fri nonnihil imprægnatâ variolas ablui
alii volunt. Rubra etiam nævorum vestigia Cos-
meticis propelluntur, sic v sperm. Ranar. & Sigill.
Salomon. cum Ol. Fri per del. vel Æ tam Fri, vel
sacch. Bni, & paucâ Camphorâ easdem maculas
brevi tollit; *ETTMULLERUS* com-
mendat v am florum omnium cum Cosmetico
Clavii & pauca Tutiâ; De cæterô pergendum cum
Medicamentis sanguinis Massam purificantib9, Ess.
Myrrh. Succin. Elix. Propr. s. acidô Tinct. Bez. Spir.
Bez. Buff. & canalis inprimis alimentorum post
morbi declinationem est expurgandus, ut, si quæ-
dam adhuc sint superstites particulæ noxiæ, elimi-
nentur. Qvodsî verò lactentes adhuc pueri o-
mnem horum remediorum adhibitionem respu-
ant, ea nutrici largius danda, ut alteratô ipsius lacte
sanguinea simul hujus ætatulæ massa corrigatur.

§. XIX.

Quod reliquum, diætæ regulæ suum maximè pondus in Variolarum Curatione addunt; Hâc enim neglectâ deploranda insequi solet calamitas; Sic frigidum aerem quôvis modô effugiat æger; & moderatum vel tepidum, non nimium, præsertim in principio, & ante Eruptionem, sibi potius eligat. Indufiorum etiam frigidorum mutatio haut quaquam proficua. E ciborum genere commendamus juscula avenacea, Decoct. Lentium, de quô pro & contra apud Auctores disputatur; Arabes enim commendârunt, teste *Mæbio Instit. Med. l. 4. p. 2. c. 2. p. m. 456. & Gregor. Horst. de sanit. studiosor. tuend. l. 1. p. m. 33. seq. Joann. Costaus in Miscell. Dissert. Dec. 1. p. m. 33.* jusculum ex Carne pulli, reliquosque boni succi faciliq; solutionis, & temperatos maxime, non calidiores, vel aromatibus nimis conditos, nec acres & acidos. Potus sit tenuis, cui Gelatina C.C. C.C. ustum C.C. philos. præpar. vel Tinctura flor. aquilegiæ, Bellid. Rosar. immittenda. Sit quies animi & corporis maximè commendata.

S. D. G.

AD NOBILISS.
DN. NICOLAI,
Med. Candidat. vel maximè
condignum!



Vi Nato fueras caro per carus Acha-
tes,

Ac studio simili perbene junctus
eras;

Qvo cum per Belgas ibas, ibasq; per Anglos,
Angelico ductus numine, luce, manu:
Nunc divisi ambo metam properatis ad u-
nam;

Eminus est ea mens, cominus ante fuit.
Laudo Tuum studium, Tibi noster Apollo
brabeis

Annuit, & doctum rite coronat opus.
Qvi Nato fueras, mihi eris quoque Carus
Amicus;

Atq; Tuam laudet plurimus æger opem.

εὐνοίας ἔνεκα f.

D. GEORGIUS FRANCUS,

b. t. RECTOR Universitatis.